

通州志卷第四

經制志

國有大事曰祀興戎祭則受福往奏膚功建官分職各慎所從班序畫一儀典攸隆海邦是若敬爾在
公志經制

祀典 公儀 官制 武備

祀典

先師廟祀先師孔子

四配顏子曾子子思子孟子

十哲閔子騫冉子伯牛仲子弓宰子我端木子貢冉子有仲子路言子游卜子夏顓孫子張

兩廡列七十二子及漢唐宋元諸儒

祭用春秋二仲月上丁日前一日有司習儀于儒學至日味爽具祭服合樂行禮祭器凡若干件銅壘
銅犧尊象尊各一銅邊豆簠簋各八銅盥盆一銅爵五銅杓二元至正間鑄銅簠簋各二銅邊豆各十
二銅爵一百六十二大鐵爐一大鐵燭臺二小鐵爐四十三正德中鑄竹邊木豆木簠簋祝板帛匣木

一

燭架正德中造樂器凡若干件麾幡一并架祝一敌一并架搏拊鼓二并架琴六弦全琴案十瑟二弦
全并架瑟匣二并架排簫二壎二篪二笛四笙四編鐘十六石磬十六鐘磬架二旌節二并架木桶二
木箱五并架籥六十四翟六十四大鼓一并架黃絹圍裙鐵鎖七并鑰匙絹包六十六祭用帛一羊一
豕一爵三登一鉶二簠二簋二邊八豆八四配共用羊一豕一各帛一爵三登一鉶二簠一簋一邊六
豆六十哲共用帛二豕二各爵一鉶一簠一簋一邊四豆四兩廡每廡共用帛一豕一每四壇共用爵
四簠一簋一邊四豆四凡祭必大合樂麾一祝一敌一琴六瑟二鐘十有六磬如之塤二篪如之簫四
鳳簫如之笙六笛四搏拊鼓二應鼓一其樂生三十六人工歌六人旌二籥三十六翟如之舞生三十
六人

前代稱孔子大成至聖文宣王肖像服袞冕祭用籩豆十二舞用八佾四配以下從祀者並以公侯稱明
嘉靖九年用輔張孚敬議改正禮制去肖像易以木主題曰至聖先師孔子四配曰復顏子宗聖曾子
述聖子思子亞聖孟子十哲以下曰先賢某子別祀孔子父啟聖公於啟聖祠配以四子顏路曾點孔
鯉孟孫從以四人程珦朱松蔡元定周輔成削十五人申黨公伯寮秦冉顏何孔穎達荀况戴聖劉何
賈逵馬融何休王肅王弼杜預吳澄以七人各祀於其鄉林放蘧瑗鄭眾盧植鄭玄服虔范甯遷豆各

損其四樂用六佾以示天下尊崇之實

啟聖祠以祀先師前期行禮祭品視十哲

名宦祠祀宋端明殿學士工部尚書前知通州王懿敏公素參知政事太子太師前知通州趙康靖公槩

龍圖閣直學士前知通州吳公遵路兵部員外郎前通判通州任公建中資政殿學士正奉大夫前通

判通州徐公勣明吏部尚書前知通州夏公邦謨廣西柳州府知府前知通州鄭公舜臣奉直大夫知

通州事王公之城奉直大夫知通州事張公星凡九人其祀用羊一豕一爵三帛一

鄉賢祠祀宋戶部員外郎直昭文館吳公及侍講中大夫崔公敦詩明奉政大夫戶部郎中顧公雄承德

郎順天府推官前刑部主事周公臣中憲大夫太常寺少卿姚公繼巖封文林郎監察御史處士黃公

應玄大中大夫浙江布政使司右叅政前廣西監察御史錢公嶸通議大夫刑部左侍郎陳公堯資德

大夫正治上卿總理河道都察院右都御史贈兵部尚書顧公養謙凡九人其祀用羊一豕一爵三帛

一俱於春秋仲月祀先師畢致祭

社稷壇歲以春秋仲月上戊日祭前一日者牲治祭物掃壇設幕至期夙興行禮

山川壇中風雲雷雨左山川右城隍歲以春秋上巳日致祭

二

郡厲壇歲以清明中元十月朔致祭先期道迎城隍神位於壇旁則帙無祀之鬼而祭之其祭用羊三豕

三果四羹飯冥衣數百具

江海神祠歲以七月十九日致祭以是日大風破賊舟也先一日迎牲齋宿至日清晨祭用鹿一羊一豕

一兔二魚二果五酒一尊帛二菜蔬饅頭粉飯隨宜

四賢祠祀宋參知政事范文正公仲淹寶文閣直學士胡文定公寅少保樞密副使岳武穆王飛少保信

國公文忠烈公天祥各壇祭後行禮

旗纛廟九月霜降守禦所官祭今屬總鎮府移祭廟廢

里社各鄉村立壇一所祀五土五穀之神今廢

海門學祭器為銅者四百有十為錫者五十七為鐵者一為瓦者二為竹木者六十七名宦祠祀宋知縣

沈起信國公文天祥明知縣裴紹宗凡三人鄉賢祠祀明義士李閏甫柳州同知崔潤禮部左侍郎崔

桐凡三人今並併歸州學

公儀

萬壽千秋節先期進表箋先一日知州同總鎮及使假各官率僚屬設龍序于州堂習儀至期五更時鼓

三嚴各官朝服入行慶賀禮知州詣香案前致祝訖復位拜舞山呼禮畢送龍亭奉安於城隍廟正旦長至儀同

開讀知州率僚屬師生人等具龍亭綵輿儀仗鼓樂郊迎行禮前導朝使在龍亭後行至州堂朝使立龍亭東西向如有出使官員則贊者先贊行禮禮畢退立露臺之東西向贊者贊衆官排班齊作樂拜畢朝使捧

詔書授展讀官開案宣讀衆官皆跪訖仍捧

詔授朝使安龍亭中衆官拜山呼畢知州詣龍亭前跪問聖躬萬福朝使鞠躬答乃退易服見朝使禮畢膳寫轉行所屬地方

日食設香案州堂露臺上設金鼓手於儀門內兩傍設樂人於露台下設各官拜位于露臺上俱向日至期陰陽生報日初食各官朝服行禮作樂樂畢執事者捧鼓至知州前擊鼓三聲衆鼓齊鳴候報復圓各官行禮乃退

月食儀同但具常服行救護禮

鞭春立春先一日知州率僚屬于東郊祭芒神行兩拜禮迎春赴州儀門外土牛南向芒神西向各官宴而退至日侵晨各官朝服設果酒祭芒神行禮三獻讀祝文畢復行禮各官執綵仗侍土牛而立長官擊鼓三聲衆鼓齊作各官環擊土牛者三鄉人各取其土以為宜年

上任先一日齋宿城隍廟至日五鼓祭應祀神祇畢鼓樂導赴州祭儀門公服從中道入至露臺設香案望闕謝恩畢坐公座皂隸排衙報時押公座畢更服回坐各員役參見由卑至尊答禮有差隨諭僚屬以興利革弊共圖竭力以安黎庶諭畢回衙午刻飲公堂冥明日謁廟行香

祈禱水旱知州素服率僚屬各壇行香停刑禁屠沽

鄉飯酒每歲正月十五日十月初一日于明倫堂行禮以正官為主位東南以以禮致仕官員為大賓位西北擇年高有德之人或三或一二人為僎賓位東西以次長為介賓位西南以賓之次者為三賓位于賓主介僎之後以教官為司正以老成生員贊禮于前一日陳設坐次司正率執事習禮次日黎明宰牲具饌主人率僚屬司正先至遣人速客客至出迎于庠門外三讓三揖升堂拜訖就位司正至堂中北面立賓主皆立皆揖執事者酌酒于觶以授司正司正舉酒讀文畢以觶授執事司正揖賓僎以下皆報揖司正復位賓僎以下皆坐執事者舉律令案于堂中賓主皆拱立讀者詣案北面讀既畢復位執事者舉饌案至客前主人獻賓薦脯醢設折俎賓酬主人如之獻僎介僎介酬皆如之訖工人升

歌鼓瑟歌麗鳴飲酒供湯工歌四牡飲酒供湯工歌皇皇者華飲酒供湯笙入笙奏南陔又奏白華又奏華黍詩歌魚麗笙奏由庚歌南有嘉魚奏崇丘歌南山有臺奏由儀于是合樂奏關雎鵲巢又奏葛覃采蘋又奏卷耳采蘋每詩先歌首章飲訖乃徹饌賓主兩拜訖又賓僕介眾賓拜訖送賓二揖出序門而退

朔望晨起知州率屬吏先于儒學大成殿露臺下行禮次詣各廟行香然後回州各屬吏以次參見

官制

通州建官五代以前弗可深考自從周顯德來或崇秩遙領或文武兼轄制無一定勝國分建文武各有專屬文有知州等員武有副總兵及把總等員

皇清統一區宇因革准乎時勢其文職官屬制如舊順治己亥海氛不靖改大鎮增設營伍屹然為東南巨鎮云

前制副總兵一人駐扎狼山

中營水營把總各一人

今制鎮守江北狼山統轄廬鳳淮揚四府徐州等處總兵官一人掌提督等處地方捍禦奸宄保安軍民

四

之事凡分汛江海把守要害簡兵蒐乘刁斗烽埃皆督其屬而飭治之凡地方竊發調度沿海所屬水陸軍馬而逐捕之其軍政舉劾幕府興革皆得專行焉諸所屬將領等官恐受節制

鎮標中營遊擊一人

左營遊擊一人

右營遊擊一人俱從三品凡軍府之事分曹協治奉令承調其有軍民會訟及地方公事鎮帥牒下行之訊明以報

中營守備一人

左營守備一人

右營守備一人俱從四品

千總六人

把總十二人

守禦所前制正千戶五人副千戶八人百戶十人鎮撫一人

今制掌印千總一人領運江南幫千總二人領運山東幫千總二人

通州知州一人從五品掌凡朝貢慶會禮祀喪紀治教之事而兵戍錢穀獄訟興作之大者則上之諸監司而可否之然詔令勘劄符檄至則謹受以下於屬凡百姓之利病大者白于諸司監而興罷之小者專之而察僚屬之賢否上以監若部以聽廢置時亦申其禁令以懲屬之不恪至入賀萬壽節歲委佐一人上之府附進

同知一人從六品掌凡勾稽軍戎捕察盜賊之事崇禎二年裁革勾稽專之堂上而巡察歸于捕廳

判官一人從七品掌斂散貢賦督治河渠之事掌馬政一人嘉靖九年以免馬華

吏目一人從九品掌凡贊治州之小事自同知裁革凡捕盜巡鹽之務屬焉

吏房司吏一人典吏一人戶房司吏一人典吏一人禮房司吏一人典吏一人典史奉裁兵房司吏一人

典史一人刑房司吏一人典史一人工房司吏一人典史一人其承發科架閣庫舖長科馬政科司吏典

吏各一人俱奉裁門子三人皂隸十六人

儒學學正一人佐訓導三人俱未入流

國朝裁訓導二人後止用學正掌凡教化誦疑之事戒令則有卧碑教條則有憲勅凡督學臺使始視事聽其申飭而授事于諸生視選舉入額之多寡而殿最之廩膳生員三十人增廣生員三十人附學生

五

員不置額司吏一人門子四人廟夫二人膳夫三人齋夫五人

狼山巡檢司巡檢一人石港巡檢司巡檢一人從九品掌凡巡捕盜賊私鹽之事司各司吏一人弓兵狼

山六十人石港四十人

通濟倉大使一人從九品掌凡歲輸糧米凡官吏俸廩軍人孤老月糧竝取給焉出納則謹籍其數別設

預備倉惟贖穀則謹儲以備荒政攢典一人斗級共六人順治十七年裁革

稅課局大使一人從九品掌凡商僧屠沽之稅皆有常數以時權之攢典一人巡攔八人

陰陽學典術一人掌凡晝夜刻漏之事境有災祥則以申於州而遽呈之典術選諸陰陽生之良以達於

吏部而註授有秩無俸

醫學典科一人掌凡方藥診療之事獄囚病則察其輕重白其真偽其授選興弊視諸陰陽學焉

河泊所大使一人掌凡辦收漁課之事正德九年革

僧正司僧正一人道正司道正一人僧道正之選取諸僧道之素有戒行者授于吏部有秩無俸凡祈禱

禳禴則率其徒以施教事

金沙餘東石港各場鹽課司大使一人副使一人西亭餘西餘中各場鹽課司大使一人以上掌凡督辦

鹽課之事司各攢典一人副使俱裁革

海門縣知縣一人正七品掌凡一邑之政令其紀綱視州凡大者則受成于州小則專之縣丞一人正八品主簿一人正九品並嘉靖間裁革典史一人未入流掌凡贊治邑之小事六房司典及泳發等吏一如州制康熙十一年裁革

儒學教諭一人佐訓導一人俱未入流其職視州學司吏一人門子以下若干人康熙十一年歸併通州原額文武入學十名廩生二十名因照別省例併縣存學入學文武較前額稍減廩生照縣例挨貢但田畝雖坍而多士噶噶進取每逢考試輒思廣額于

皇恩不無深望焉

吳陵巡檢司巡檢一人司吏一人弓兵五十人

呂四場鹽課司大使一人

武備

通自宋建隆以後有奉化軍靜海軍壯武軍裝發軍捍海軍其名數亦不可考熙寧中有護聖宣毅軍紹興乾道間有水軍元則有萬戶府明則制守禦千戶所所以統軍軍有從征有歸附有摘發著籍以十

六

分為率八屯種二守城軍職共二十四人印十一紐吏目一人司吏一人旗軍十所共一千一百二十人旗纛廟在所廳後祭器六十八祭品一十六土地祠在所儀門外銅牌制書官吏掌之計銅牌十一面制書十七種演武場一在州南門外長一百五十丈濶七十丈有演武廳中臺一在狼山前後復闢大教場于東門外五里軍器局在州洽西南營今廢運船五十六隻千戶一人百戶二人軍五百六十六人運糧赴京屯田三十二頃管屯千戶一人軍十六人籽粒共二千一百石守城軍士器械墩寨營舖有數城操千戶一人舍餘一百四十八人軍二十一人銅大將軍銃三一在西門高三尺二寸一在南門高四尺五寸俱圍三尺一在東門今東門南門者俱廢小將軍銃八鐵將軍銃三俱高三尺許圍八寸漢中山靜王劉勝鑄今藏於守禦所軍法定律器一萬四千九百一十件佛郎機十二架今藏於州軍器庫墩通州八座海門二十八座管墩千戶一人有料哨軍寨凡四曰大河口曰料角嘴曰徐梢港曰石港以揚州衛指揮一人提督之各千戶一人軍四千人營有十曰壯捷曰壯武曰鎮遠曰旌忠曰濟武曰登庸曰平定曰忠節曰興義曰威武散在城之各隅京操有額春班千戶一人軍六十三人秋班千戶一人軍二百七十人解京器械七百五十件是則明時守禦責之軍伍未置營籍也自嘉靖初倭寇破黃巖象山諸邑分掠通海明年復犯通海是時揚州設海防道沿海增置營戍而通州設叅

將未幾改副總兵及水營大河耙總掘港周橋守備然後江海靖安乃鎮兵壯而守禦軍自運糧而外僅司門禁而已既而倭賊闕白專其國以兵襲朝鮮之釜山據之屬國告急朝廷遣師鎮之少挫議者謂倭不得於朝鮮必內寇所在戒嚴而通海尤為要害撫按請于江中永生洲添兵應援狼山之旅稍振三十八年鹽徒亡入海者結束征未散之兵劫掠無忌兵備熊尚文巡歷通海直抵廖角嘴練兵建營選拔不次亡賴盡歸營伍反正効用會倭哈蘭金等入犯掘港尚文檄勦斬獲多人崇禎三年總兵王揚德入援遵永奸民明鐸史雲龍等乘機煽惑焚掠鄉紳十餘家揚德回鎮地方始安九年流賊犯江浦六合通海設備知州彭希賢增募鄉兵一千人其實皆家丁販夫朱嫺步伐十四年江洋大盜廖二等寇掠沿江地方漕撫路振飛檄總兵成大用勦平之十七年劉澤清開藩改狼山為大鎮以鄭胤昌師之

國朝戡亂底定酌用舊制額設副總兵一員守備二員把總六員兵一千二百名兵民相調烽埃無警越數歲海波不清大艦數百突至狼山衝浪而溯長江直逼省下雖會城無恙而綢繆桑土為計至周于是狼山復改大鎮立三營三營添設兵三千人其大河營調防贛榆即于右營派撥防護由是瀕江相望南北上下千百里莫安如磐石永固金湯而前此之守禦官軍僅充旗甲供起運領以千總官而土

七

弁皆置不用

論曰通當江海交匯吳越八閩此謂門戶其間洲渚港汊叢雜又沿江饒魚鹽諸奸俠興敗為厚利伺隙劫掠高桅巨舶出沒不常邇則鯨波不靖沿海戒嚴而狼山尤為要害重鎮之設所由來已顧渺茲彈丸兵民雜處整輯頗艱康熙八年總鎮諾泣通恤眾爰土兵民安堵諸如禁營債嚴樵採精偵戢墩丁令行禁止永足為司閫之著蔡云